



# **FUNDA UKUTHETHELELA**

**Kepha yibani nomusa omunye komunye,  
nihawukele, nithethelelane, njengalokho  
uNkulunkulu wanithethelela ngenxa kaKristu.**

**KWABASE-EFESE 4:32**



Uma abantu bami, ababizwa ngegama lami, bezithoba, bakhuleke, bafune ubuso bami, baphenduke ezindleleni zabo ezimbi; khona ngiyakuzwa ezulwini, ngithethelele isono sabo, ngiphilise izwe labo. 2 IZIKRONIKE 7:14

Ubusisiwe osiphambeko sakhe sithethelelwe, osono sakhe sisitshekelwe. IHubo 32:1

Kepha yena enesihawu, wathethelela ububi babo, akababhubhisanga; yebo, kaningi wayibuyisa intukuthelo yakhe, akaluvusanga lonke ulaka lwakhe. IHubo 78:38

Uthethelele ububi babantu bakho, wasibekela zonke izono zabo. Sela. IHubo 85:2

Ngokuba wena, Nkosi, umuhle, ungothethelelayo; futhi ugcwele umusa kubo bonke abakhala kuwe. IHubo 86:5

Uma wena, Nkosi, uqaphela iziphambeko, Nkosi, ngubani ongema? Kodwa kuwe ukuthethelelwa, ukuze wesatshwe. IHubo 130:3-4

Ngokuba uma nithethelela abantu iziphambeko zabo, noYihlo osezulwini uyakunithethelela nani. Kepha uma ningathetheleli abantu iziphambeko zabo, noYihlo akayikunithethelela iziphambeko zenu. MATHEWU 6:14-15

Ningahluleli, khona aniyikwahlulelwa; ningalahli, khona aniyikulahlwa; thethelelani, khona niyakuthethelelwa: LUKA 6:37



UJesu waphendula wathi kuye: Simoni, ngilelizwi kuwe. Wathi: “Khuluma, Mfundisi. Kwakukhona umtshelekisi othile owayenamacala amabili: omunye wayekoloda abodenariyu abangamakhulu ayisihlanu, omunye abangamashumi ayisihlanu. Kuthe bengenanto yokukhokha, wabathethelela bobabili. Ngitshele-ke, yimuphi kubo oyakumthanda kakhulu na? USimoni waphendula wathi: Ngicabanga ukuthi yilowo amthethelela kakhulu. Wathi kuye: Wahlulele kahle. Waphendukela kowesifazane, wathi kuSimoni: Uyambona lona wesifazane? Ngingene endlini yakho, awunginikanga amanzi ezinyawo zami, kepha yena uzigezile izinyawo zami ngezinyembezi, wazesula ngezinwele zekhanda lakhe. Awunganganga, kepha lo, selokhu ngingenile, akayekanga ukwanga izinyawo zami. Ikhanda lami awuligcobanga ngamafutha, kepha lona wesifazane ugcube izinyawo zami ngamafutha. Ngelokho ngithi kuwe: Izono zakhe eziningi zithethelelwe; ngokuba wayethanda kakhulu, kepha othethelelwa okuncane, uthanda kancane. Wathi kuye: Izono zakho zithethelelwe. ULUKA 7:40-48

Ziqapheleni nina; uma umfowenu ona, mkhuze; uma ephenduka, mthethelele. Uma ona kuwe kasikhombisa ngosuku, abuye kuwe kasikhombisa ngosuku, ethi: Ngiyaphenduka; umthethelele. ULUKA 17:3-4

Esinokuhlengwa kuye ngegazi lakhe, ukuthethelelwa kwezono ngokwengcebo yomusa wakhe; KWABASE-EFESE 1:7



nibekezelelane, nithethelelane, uma umuntu enensongo komunye; njengalokho uKristu wanithethelela, yenzani kanjalo nani.

KOLOSE 3:13

Uma sizivuma izono zethu, uthembekile, ulungile, ukuba asithethelele izono, asihlambulule kukho konke ukungalungi.

1 JOHANE 1:9

Ngokuba iNkosi igcwele ububele nesihawu, iyabekezela, ihawukela kakhulu, ithethelela izono, isindisa ngesikhathi sokuhlupheka. UMSHUMAYELI 2:11

Thethelela umakhelwane wakho ububi akwenze kuwe, kanjalo nezono zakho ziyakuthethelelwa lapho ukhuleka. Umuntu unenzondo ngomunye, acele intethelelo kuJehova na? Akahawukeli umuntu ofana naye, azicelele ukuthethelelwa izono zakhe na? UMSHUMAYELI 28:2-4

...Wena, Jehova, ngokokulunga kwakho okukhulu uthembisile ukuphenduka nokuthethelelwa kwabakonileyo: ngobubele bakho obungapheliyo ubeke izoni ukuphenduka, ukuze zisindiswe...

UMTHANDAZO KAMANASE 1: 1

Thandanani ngokusuka enhliziyweni; uma umuntu ona kuwe, khuluma naye ngokuthula, ungabambeleli emphefumulweni wakho; futhi uma ephenduka futhi evuma, mthethelele. Futhi uma ehlazekile futhi ephikelela esonweni sakhe, thethelela ngokusuka enhliziyweni, futhi ushiyele kuNkulunkulu impindiselo. ITESTAMENTE LIKAGADI 2:3, 8